

明詩別裁集



卷七八

柳田文庫

文庫11

D 177

4





明詩別裁集卷七目錄

高叔嗣 九首

徐階 二首

鄭旦 一首

張時徹 二首

蘇祐 三首

華察 六首

陸燾 一首

明詩別裁集 卷七目錄

文庫 11  
D 177  
4

010190557915

袁 袁 四首

王慎中 三首

皇甫冲 二首

皇甫汸 十首

唐順之 三首

陳 束 二首

黃省曾 一首

錢 謙 六首

六 藝 守 卷

皇甫湜 八首

蔡 楠 一首

蔡 汝 一首

沈 嘉 三首

翁 大 立 一首

王 問 三首

徐文通 一首

明詩別裁集

卷七 目錄

陳臯謨 一首

張居正 一首

楊華武 一首

楊 一首

姚 一首


姚 一首

姚 一首

姚 一首

許邦才 一首

皇甫濂 二首



明詩別裁集卷七

長洲 沈德潛確士 同輯

高叔嗣 叔嗣字子業 祥符人 嘉靖癸

蘇門五言 冲淡得章 蘇州 蘇元美

評云 知高山 鼓琴 沈思 社木 葉盡

說石氣 自青 良然 王敬 美云 徐昌

月短 徐以高 期勝 高以 深情 勝更 干

百年 李何 有時 無兵 二君 必無 龍

再調考工作

明詩別裁集 卷七

引疾上三書。微願不克。諸徒言復在茲。心  
迹一何乘。新裳日待旦。閭閻凌雲排。入房  
金馬籍。出與群龍偕。積賤詎有基。履榮誠  
無階。但惜平生節。逾久浸沉埋。既妨來者  
途。誰明去矣懷。鳥迷思故林。水落存舊壑。  
惟當尋素業。歸野守荆柴。謹微素其不  
進不妨賢卓然  
想其風。蔡。人。理  
不腐善學大。謝

古歌

荆和當路泣。良璞爲誰明。茫然大楚國。白  
日失兼城。燕石十襲重。魚目一筭輕。古來  
多感嘆。今予益吞聲。

叙懷

伊昔治弱冠。奮足步賢豪。衣褐出下國。晚  
輓造中朝。聖期開九五。河清在一朝。升龍  
假玄淵。鳴鳳託芳條。五從宰府辟。連荷公  
叔招。名過有殷顛。道在無矜驕。猶全不肖

軀解冕未道遠

答谷司僕見問

幸自返中國。非關逃徵。祿方因疾病。餘能勉供。樵牧。春至東郭田。夏乘北林木。時從遠原上。日縱平郊目。野老逢與言。道書聞能讀。何能共世人。無事相追逐。勞君問出處。日暮掩茅屋。

簡衣永之獄中

本同江海人。俱爲軒冕誤。子抱无妄憂。余有多言懼。昔來始青陽。今此已白露。豈至速進階。苟得非子慕。罪至欲何言。直以愚情故。衆女競中閨。獨退反成怒。追誦古時人。蒙冤誰能訴。皇心肯照。敬與子齊歸。朕

病起偶題

空齋晨起坐。權遊罷不遠。微雨東方來。陰雷候終夕。久卧不知春。茫然行役故園

芳草色凋張今如積

送別德光武選放歸

燕郊秋已甚木葉亂紛紛  
失路遂為客他鄉獨送君  
罷歸時共情棄置古常聞  
莫作空山卧令人望白雲

分水嶺晚行

客興日無奈兵荒歲屢加  
少年曾許國多難更移家  
遠水通春鏡孤城起暮笳  
憑高

一回首何處是京華

寒食定興道中

二月鶯花少千家雨霏霏  
可憐值寒食猶未換征衣  
積水生空霧高城背落暉  
忍看楊柳色從此去王畿

徐

階字子升華亭人嘉靖癸未  
賜進士第三累官少師吏部

尚書贈太師益文貞

送司封仲芳楊子赴留都



哲人重道義。朝貴不足縻。丈夫志四方。達  
達非所悲。如何與子別。悵悵不忍辭。古道  
日淪替。群鯨紛追隨。子獨諒迂僻。經說相  
劇規。去住忽以異。襄澤安所資。頽波無停  
流。靈耀亦西馳。感此重念子。何以慰爾知。  
至理不外得。吾心實吾師。願言勵操存。千  
里同襟期。

橫溪爲彭允禎賦

橫溪東去水迢迢。虛閣重簷共寂寥。山外  
夕陽低度鳥。雨餘春渚暗通潮。寒空落葉  
書聲靜。秋草孤帆客筭遙。欲徙石湖湖上  
石。爲君兼月更吹簫。

鄭旦

旦字希周。歙縣人。嘉進。癸未進士官至海江右布政使。

曉發洱海夕次濱川

天高野曠瘴烟收。風急霜繁落木秋。筍道  
千盤臨戍堡。山城百雉入邊州。諾蕃樂歲

休戍馬孤館類年望斗生夜半角聲吹激  
烈紛紛涼月照人愁

張時徹時欲字唯靜到縣人嘉靖癸未進士官至南京兵部尚書

采葛篇

種葛南山下春風吹葛長二月吹葛綠八  
月吹葛黃腰鍾逝采掇織作君衣裳經以  
長相憶緯以思不忘出入君篋笥長得近  
輝光層冰布河水中野皓凝霜吳羅五文

采蜀錦雙鴛鴦君恩當斷絕嘆息懼中腸  
中腸日以摧葛葉日以衰願留枯根株化  
作萱草枝古樂府語意

初秋

一聲漁唱海天秋素練初飛白鷺洲亦有  
芙蓉自開落何人解識漢官愁

蘇祐祐字光吉濮州人嘉靖丙戌進士官至兵部左侍郎宣大

總督

九日

落木驚風候。淹留感歲華。陰雲連紫塞。清  
淚對黃花。八駿周京馬。孤蓬漢相槎。高臺  
子。懶上。不為苦思家。

予告歸入倒馬關作

南風吹雨傍關來。關上千峰畫角哀。老去  
尚憐金甲在。生還重見玉門開。鳴絃謾引  
思歸調。虎節空慙上将才。聖主恩深何以

報車前部曲重徘徊

塞下曲

將軍營外月輪高。獵獵西風吹戰袍。感策  
無聲河漢轉。露華霜氣備弓刀。

華

察察字子潛無錫人嘉靖丙成  
進士官至侍讀學士掌南院

學士五言中賦有陶韋  
風然垢氣已離未穿冥滓

秋日觀稼樓曉望

日出天氣清。山中悵幽獨。登高一眺望。風

物淒以蕭。流水映郊扉。炊烟散林屋。秋原  
一何曠。薄陰翳荒竹。時聞烏雀喧。因念天  
禾熟。悠悠沮溺心。千載猶在目。王摩詰云  
雀喧禾黍

熟此衍作十字  
便不及古人

### 宿玉陽山房

返照明溪梁。深松晦夕景。暖卧符夙期。雲  
陰石牀冷。因悞物外心。遂入清盂境。天寒  
木葉疎。月照山房靜。欲燈獨不寐。秋宿一

何永明發從此辭。白雲鎖蒼嶺。

### 游善卷碧仙巖

落日下空門。齊鐘出林莽。偶茲叩精廬。再  
宿翠微上。舊游不知處。但見松杉長。懽虛  
露氣清。坐覺心魂爽。月白山窓高。夜靜風  
泉響。遂令寤寐中。超然脫塵網。雲壑永痾  
遲願言稅歸鞅。

### 五月望夜與諸君山中再酌

仲夏苦晝永薰風起將夕圓景海上來照  
此山中客坐令微暑消兼使眾累釋興至  
時命觴露下復移席因耽水竹居越同魚  
鳥跡盤遊豈忘返菟物聊自適臺空人影  
踈夜靜潭氣白參差樹杪峰歷歷辨咫尺  
超然悟真境萬物一虛寂

山臺曉望懷王僅初不至

初日照臺上興來成獨遊天高俯霧畫木

落空山秋曉色侵殘鬢新寒上故裘吳門  
隔烟水悵望空悠悠

惠山寺與施子羽話別

看山不覺暝月出禪林幽夜靜見空色身  
閑忘去留踈鐘隔雲度殘葉映泉流此地  
欲爲別諸天生暮愁夜靜見空色五字入  
微然鍾譚專取此種  
便與詩道日遠

陸

祭祭字子餘長洲人嘉靖丙戌  
進士官工科給事中坐效張

桂謫都勾驛丞  
遷知永新縣

贈別王直夫

威鳳天際翔。潛虬澤中蟠。嚴七時閉肆。貢  
公乃彈冠。顯晦豈必同。各以性所安。子行  
樹遠績。奮身青雲端。鄙人棲蓬藿。蹇拙聊  
自完。丈夫志千載。飛沉何足嘆。相期保貞  
素。歲晚同金蘭。

表

表

表字永之。吳縣人。嘉靖丙戌  
進士官刑部主事。謫戍湖州。

後用薦起官至  
廣西提學僉事

送陳德夫使魯

帝曰封同姓。皇華遣使臣。河山藏漢誓。寶  
玉展周親。殿說靈光古。經博孔壁新。余生  
好文獻。一為訪先民。

自柳至平樂道中書事

遠觸蒼梧瘴。初乘灘水槎。岫蛇晴掛樹。射  
馘晝含沙。屋覆湘君竹。山開蜀帝花。夷堅

收未盡。博物待張華。

大駕視牲南郊

大路調仙馭。朱旗列禁城。帝牛三月繫。日燭九衢明。日並龍旒出。山將彩仗迎。橫汾卑漢詠。裡祀達皇情。

秋興

仙仗行宮舊。內居花間往。往駐鸞輿。徒聞漢帝橫汾曲。不見長卿諫獵書。天子射蛟

開水殿。奚官牧馬遍郊墟。蕪葭首宿秋無限。悵望烟雲萬里餘。

王慎中

慎中字道思。晉江人。嘉靖丙戌進士官至何南參政。遵巖以古文傳。然五言古亦窺顏訓堂。庶舞一淺語。滑語。

登金山口絕頂

地紀控西界。靈山亘北甸。足弱步屢憇。崖峭石猶踐。枝樛迺能援。葛脆不可絙。其意象開。豈復慮高蹇。瞻峰皆崩崖。陟澗數

迴緬稍覺天地寬。即看雲烟變石竇。芝自  
榮。林罅雪尚泫。與濶無近尋。登高有遠見。  
周圻矗五雲。易水通一線。微茫蕪趙區。歷  
歷皆可辨。長嘯發靈籟。倦坐席苔蘚。氛垢  
苟不嬰。沉慮斯可遣。

遊白鹿洞

素嬰印壑清。况秉英賢想。寤寐懸宿心。遊  
盤得茲賞。重陰始晦蒙。果果旋開朗。攬勝

據巉巖。探竒歷榛莽。境閑百慮空。意愜二  
儀廣。野色浮巾衣。秋容成物象。菊含露下  
英。泉作山中響。柔葉稍朝零。剛條非夏長。  
景物易流徙。今古同俯仰。躊躇懷回軫。何  
時還獨往。

遊麻姑山

雲出本無心。擇棲多竒巖。繫子慕真勝。涉  
趣不知遠。初緣碧澗行。幾傍丹崖轉。林追



去虎蹤。躡躡飛猿。踐泉流。遙淺深。巖谷變。  
陰。頭歎。瀑遇留憩。石牀時。仰偃桂芳洞裡。  
秋霞。映山中。晚探異。尋前期。入幽忘。後反。  
神遊力。不惜。理愜情。俱遣。天路如可。梯欲。  
以微官免。

皇甫冲

冲字子浚長洲人嘉靖戊子舉人與弟濬訪瀟稱四皇甫

吳中詩品自高季迪徐昌穀後應推皇甫兄弟以造請古澹無一點穢纖之習時二黃三張

維摩寺雨坐

回嶺無仄徑。陟岡有夷壤。展睎入空濛。游  
心益昭朗。長風吹輕衣。飄搖翠微上。古寺  
迷夕烟。明燈淡綃幌。冥雨從東來。驚雷自  
西往。林巒忽不見。但聞山礧響。景寂非避  
喧。心瑩乃成賞。爲禮沉疴蹤。因之知幻象。

於巖石上眺東西兩湖

旭踐山中蹊。午憩巖上石。雲移石欲墮。雨

霽。蹊。猶。濕。倚。策。眺。兩。湖。波。光。渙。相。襲。東。若  
既。紆。青。西。衡。亦。凝。碧。芙蓉。落。雙。鏡。天。影。浮。  
重。壁。檣。烏。有。離。聲。磯。鷗。無。並。翼。會。茲。物。化。  
情。感。彼。高。深。跡。從。遠。得。所。遣。何。爲。苦。拘。迫。

皇甫昉

昉字子循長州人喜靖巳丑  
進士官至雲南按察僉事。

子循古休出入二謝五言律亦在  
錢劉之間與兄子安可云敵手

秋夜把酒對月

宋五陳九辯陸機歌百年悵茲清秋日聊

使幽懷宣矯矯歸雲雁。嗟嗟舍風蟬。摧芳  
委朝露。俄景流夕川。鱗運有代謝。薜華無  
長妍。始知行樂貴。何用居情牽。長夜思秉  
燭。新月正當筵。金尊泛綠醕。寶瑟絙朱絃。  
商歌當索下。楚舞出花前。餘名焉足藉。達  
生乃爲賢。

過武城言子祠作

逝風往。輕橈戴星理。扁權趙忽之。武城有

蕩瞻魯道古邑一何卑。令猷久彌劭。絃歌  
謝清響。精華契深造。曰余廁文儒。耽寂違  
時好。剖符辭帝京。腰章宰名趙。諒乏操刀  
資。懼貶製錦誚。經過緬遐矚。神對宣幽抱。  
言采江上蘋。薦此廟中貌。誰謂千載殊。可  
以同高調。

奉答子安兄

江郭改故陰。家園藹新霽。柔條始發林。芳

草漸紆砌。潛居信爲閒。揚亭况重開。曰余  
忝明時。與子承嘉惠。分省各有譽。佐郡慙  
所莅。暫就北山招。轉愜東田稅。情忘桃李  
言。跡豈菟瓜繫。感遇興長誥。東章緬幽契。

從軍行寄贈楊用修

思文際聖君。稽古萃群辟。子雲侍承明。胡  
爲去荒域。被命事犀渠。差勝下蠶室。憤志  
酬八書。榮名重三策。丁年子卿嗟。皓首仲

昇泣看鳶窮瘴烟放鷄定何日業既違操  
觚勳還期畏革五月行渡瀘千里望巴國  
瀘水向東流巴雲忽西匿相思持寸心願  
附雙飛翼用修之才而謫戍邊傲有情所  
共悲也擬之馬遷子卿仲昇伏  
波幾於歌以當哭

舟中對月書情

不識別家久但看明月暉闕山一以鑒驛  
路遠相違影落吳雲盡涼生楚樹微天邊

有烏鵲思與共南飛

九日寄子約

漫有登高興蕪當望遠何對花驚白髮見  
雁憶黃河亂後書來少霜前木落多不堪  
羈宦日同是阻十戈

元夕熊子叔抑過集時謫遠州

國論何年定鄉心此夕搖雁飛天畔驛龍  
隱日南橋謫宦恩非薄之夷路詎遙誰憐

司言別集卷七  
梁傅源曾灑漢文朝

寄劉諫議畿

欲將尺素遠相貽。踈懶無如與性宜。北虜  
塵飛揄塞日。西京灰滿栢梁時。中朝望屬  
陽司諫。左掖吟憐杜拾遺。定有封章回聖  
主。莫須焚草避人知。

廣寒宮登眺

寶閣凌霄建。珠窓映日開。月臨疑桂宇。露

灑即銅臺。山悉圓峭。池猶象漢。迴倚妝  
花。屢發窺舞鳥。能來傾國元。因色勞民豈  
但財。地隨胡運改。棟與美人催。殷監良非  
遠。秦官亦可哀。聖朝留故蹟。皇覽日休哉。  
以前朝為荒宴之戒  
得杜老詠九成宮意

對月答子浚兄見懷諸弟之作

南北何如漢。二京迢迢。吳越兩鄉情。謝家  
樓上清秋月。分作關山幾處明。

唐順之

順之字應德武進人嘉清己丑進士官至僉都御史天段

中道謚

登喜峰古城

時三衛貢馬散牧陽外

絕頂孤峰見廢闕短衣落月試躋攀。三秋  
豹旅方乘障萬里龍媒正滿山。侯雁似隨  
鄉思去寒花將送使臣還。歸邊迂薄真無  
補空墜伊吾抵掌閒。

復官後報京師友人

姓名不復挂朝參魚鳥由來性所耽。篋裡  
符經都已廢山中藥草漸能諳。踈狂自分  
三宜黜癩病其如七不堪。深謝故人推飲  
意莫將陽羨比終南。

冬至南郊

明王敦大報泰時禮神君位以南離正宥  
從甲子分月臨太乙館星動羽林軍除道  
疑登岱鳴蕭異度汾聲容六變合海岳百

靈。紛。封。檢。微。題。字。屏。帷。悉。畫。雲。神。光。人。共。  
見。天。語。帝。親。問。盛。蹟。誰。能。賦。多。慙。扈。從。群。

陳 束

束字約之鄞縣人嘉靖己丑進士官至河南提學副使

咸寧山中雪霽晚行

雪。霽。乍。見。山。殘。陽。稍。辭。懶。暝。色。起。烟。氛。寒。  
光。散。墟。井。田。空。獵。火。還。林。凍。棲。鳥。警。造。閭。  
野。寺。鐘。初。月。生。俄。頃。

都下秋雨夜飲王子長宅

潤。別。時。何。屢。蹉。跎。鬢。已。侵。還。朝。明。主。賜。  
夜。故。人。心。涼。雨。杯。初。覆。空。堂。漏。欲。沉。安。知。  
非。夢。寐。相。對。帝。城。陰。

黃省曾

省曾字勉之吳縣人嘉靖辛卯舉人

江南曲

倚。施。綠。楊。樓。儂。傍。秦。淮。住。朝。朝。見。潮。生。暮。  
暮。見。潮。去。有。情。而。必。盡。言。此。詩。味。所。以。薄。  
也。只。此。說。住。見。言。外。有。無。限。指。事。

錢

嶸

嶸字君望南通川人嘉靖壬辰進士宦官參議

憫黎詠

嘉靖戊申崖吏失御重以積蠹之餘  
群黎遂叛攻掠城邑遠近繹騷撫者  
無策漫以牛酒從事越歲不戢嘗路  
請命征討予分典戎事深悼誅夷之  
慘用廣浴誣卒藉天威誅獲渠首殲  
蕩醜類總五千餘級諸付悔過悉歸

順焉庚戌夏四月三日凱奏底定追

惟致寇有因覆車當戒感時述事潛

然有懷

在昔遠古初鴻濛闢天地絕谷嶂南海深

等鬱蒼翠中有黎母居伊人尚蒙昧鑿井

以飲涓農田亦時藝荒路賸匪通幽局死

交市雖雨隔華果猶紀王正歲生黎若草

太榮隕隨和厲熟黎若鳥獸獯俟無智慮



所以古先聖馭之以不治。

粵南本炎嶠。矧此瓊崖東。玄東日且和。幽  
郊鮮陰風。花柳蔭廣隍。苗黍青芄芄。皇仁  
漸南極。草木均化工。豈獨好黎人。物與非  
吾同。軍行值人日。感嘆心沖沖。

朝發城東門。夕駐藤江壘。綫氣干層雲。狼  
師渡藤水。雞犬皆震驚。人民盡奔徙。海避  
愁蛟蛇。山匿畏虎兕。蛇虎猶可虞。狼毒不

可。適軍令甚分明。顛仆何由弭。伶俜泣路  
衢。迸淚不能已。嗟哉一將功。豈獨萬國毀。  
海南無猛虎。而有麋與麋。玄崖產珍木。種  
種稱絕奇。斯物出異域。頗爲中國推。以茲  
重徵索。奔頓令人疲。窮年務采獵。爲官共  
饋儀。苦云近歲盡。無以充攜持。直欲訴真  
宰。鏹此蘇民脂。物理有固然。物恒令人思。  
葉落當歸根。雲沉必起黎。人多良田。征

明詩別裁集 卷七  
歛苦倍蓰。誅求盡餘粒。尚奉饋與承。昨當  
租吏來。宰割充盤几。吏怒反索金。黎民那  
有此。泣向邏者借。刺箭以為誓。昏一每輸  
百。脰削痛入髓。生當剝肌肉。死則長已矣。  
薄訴吏轉噴。鎖縛不復視。黎兒憤勇決。挺  
身負戈矢。鎗急千人奔。犯順非得已。赫赫  
皇章存。今人棄如紙。

朔風戒良節。赫赫張皇師。軍門號令嚴。震

肅將天威。壯士快鞍馬。鋒鏃如星飛。一舉  
破賊壘。刀斧紛紛揮。剖尸越印阜。踏血腥  
川坻。白日暗西嶺。瘴氣昏餘暉。翅鼠墮我  
前。飢鳥逐人歸。征夫懷慘憂。涕泗霑我衣。  
黎人本同性。云何發禍機。神武貴勿殺。不  
在斬獲為息火。當息新強兵。當弭飢誰生  
此厲階。哲士知其非。治之以不治。馭遠人  
敵無藝兵。戎於是興矣。誰生厲階。至今為  
梗。未以弭飢為救亂之本。是真能弭亂者。

老成遠慮可垂河戎後之  
柄國者尚其敬而聽之

尹

耕耕字子華蔚川人嘉靖壬辰進士官至河南按察僉事坐

勅戍遼左○子葬七言律本李空同派有秋笳曉角之聲

秋興

薊門千里接雲中。燧火清宵警報同。合陣  
幾窺青海月。鳴鞭爭下黑山風。冬殘戰士  
衣仍薄。歲歉孤城廩欲空。南國十年輸輓  
盡。防秋諸將漫論功。

十萬鳴絃報吉囊。野心狼子是花當。連烟  
故自輕中國。分道頻看入漢疆。推轂丈人  
空肉食。操戈遺孽尚蕭牆。不應干羽修文  
日。歲歲三關有戰場。

威名萬里馬將軍。白首丹心天下聞。遼水  
旌旗餘幾氣。泰山松柏已高墳。條侯自靖  
中州變。竇憲曾銘塞外勲。獨倚凌烟思將  
略。暮天征雁下寒雲。

萬山環合蔚州城。紫塞連雲朔氣清。禾黍  
歲時供上谷。烽烟日夜接神京。九官迤邐  
通軍壁。高壘崔巍列虜營。稍喜摧鋒章節  
帥。能將俘獲謝蒼生。

上谷歌

大寧無路援開平。極目孤懸獨石城。遙憶  
先皇親躍馬。長驅絕塞苦提兵。寒流汨汨  
交樵徑。野戍荒荒列漢旌。千載土人談往

事伯顏山下有英聲

飛狐倒馬紫荆連。此去朝廷路一千。向日  
北門嚴鎖鑰。於今南牧盛風烟。時名受脤  
當關將。歲德臨分破陣年。願假精兵渡遼  
水。莫令疲病久戈鋌。

紫荆關

漢家鎖鑰惟玄塞。隘地旌旗見紫荆。斥堠  
直通砂碛外。戍樓高並朔雲平。峰巒百轉

真無路。草木千盤盡作兵。誰講廟堂承遠意。戟門烟雨試春耕。

上谷歌上楚中丞

戍樓霜重角聲殘。策馬朝登十八盤。紫氣正當天北極。彩雲時見漢長安。誓將鎖鑰標銅柱。應有麒麟畫鐵冠。况是六龍巡幸地。至今谿谷尚鳴鑾。

春懷

春深關塞尚屯兵。萬里防胡拱漢京。不爲翠華臨遠道。豈應金甲廢深耕。轉輸坐見司徒急。經略親看相國行。莫雅至尊忘北顧。題陵遷附聖人情。

往歲關山亦喪師。猶能不矢漢旌旗。可憐虎帳分符日。偏是沙場棄甲時。白草自長驃騎壘。黃雲空壓李陵碑。書生無計當戎右。一劍真思報主知。  
諸詠得少陵諸將遺意但少問閭變化所

以不遠  
古人

皇甫湜

湜字子安長洲人嘉靖壬辰進士官至浙江按察僉事

子安枕籍選體故五言自高然得風格而遺精理未云請極也

送周氏

清晨餞我友。駕言遠徂征。前瞻齊魯墟。千里浮雲與親交。豈不眈懷役不遑。寧曠野多悲風。揚塵翳邊庭。中衢雪霰集。邊馬寒無聲。蹊谷少行跡。側足橫層冰。回首望京

闕。能不測中情。千其祗自愛。順時保榮名。

秋日雜詩

廓處乏歡悰。出門眺長衢。悲風吹落日。四顧無行車。蹉跎失盛年。感嘆獨嗟吁。况我在樊籠。六翮不得舒。撫劍思西邁。安得守故廬。淮陰困閭里。馬生戀邊隅。桑梓豈我志。蓬藿非我虞。行行舍此去。去去浮雲俱。

將命巡輶徒附署閣

彌神倦紛牘。徂春悵無樂。庶以散予襟。獨  
 此稽山閣。霞蔚見層巒。花深隱群壑。本自  
 滄海人。悔吝滋歷爵。旋里東江輶。徘徊眷  
 林薄。俄頃惻幽衷。遇物悲離索。且憑浮雲  
 征。聊希至人託。

發郡城之天台道中述所經覽寄

友

夕夢層城阿。曉行滄波上。縈溪復舍流。連

岑時隱嶂。風湍信千轉。雲峰非一狀。錦纈  
 紛迎氤氳。氳忽彌望。蘭泉芬可掬。苔壁陰  
 難傍。思偕同懷子。攜手追禽尚。

雜興

驚節流炎紀。馳暉屆清商。游魚湊重淵。蟋  
 蟀鳴空堂。白露滋前除。陰風來北房。我心  
 亦何思。所思天一方。離居宛如昨。再觀鴻  
 雁翔。含情撫遙夜。申旦獨徬徨。哀彼采葛

詩零淚沾衣裳。

雪山歌奉寄彭太保

雪山嵯峨控西極。寒井陰光混開闢。千秋  
鳥道無陽春。北風慘淡吹峨岷。羽書宵過  
褒斜道。火入靈關徹昏曉。愁雲百里填城  
河。帳中銀燭然盤陀。將軍狐裘網馬馱。彈  
箏伐鼓金叵羅。指麾羽扇白玉珂。背河一  
戰收蓬婆。銘功刻石報天子。麒麟閣上事

已多憶。昔中原全盛日。八方無虞醴泉出。  
龍舉空悲劍鳥藏。海南漠北俱簫瑟。君王  
垂衣念西土。錢塘老子不足數。彭公大梁  
佇獻槎。已見彤弓出天府。持節心知主恩  
重。入關更識王臣苦。文武吉甫非公誰。臨  
洮健兒勇如虎。驥子朝披王壘雲。魚文夜  
濕金隄雨。閭中一月見節制。烹羊宰牛酌  
清醕。狼籍衣冠頌破竹。馬前父老稱安堵。



園陵佳氣春氤氳。錦官城中日鼓舞。當時  
匹馬更朝天。又逐輕車過酒泉。勲名豈數  
七十戰。至今邊卒高枕眠。歸來謁帝承明  
殿。世事那知一朝變。功成下吏古所悲。浮  
雲蔽日今曾見。天下驚聞柏臺火。匣內空  
留上方劍。壯士長歌梁父吟。孤臣獨泣瑤  
池宴。蓮峰落月照黃河。榆谷飛塵暗蘭縣。  
武穆祠西秀水流。一望江山淚如霰。  
功臣

今古同悲。改絃變調。如宮聲之換羽也。

### 西湖歌寄方思道

西湖窈窕三十里。柳絲含烟拂湖水。青山  
蕩漾春風來。蘇公隄邊花正開。玉缸春酒  
映江碧。幾醉江邊柳花白。城頭日出照高  
樓。銀箏翠管喧行舟。吳姝如花捲綃幕。山  
水倒入金屏流。朝來復脫千金駿。還有牀  
頭紫綺裘。人生行樂莫顧惜。落日松風吹

古邱我憶京華舊遊地。漁浦東看動愁思。  
醉裡空歌鏡湖月。夢中尚識孤山寺。信安  
使君還舊溪。應對花巵惜解携。白沙翠竹  
無人問。湖上孤吟聞馬嘶。

再別兄弟作

可嘆江潭客。重爲魏闕游。河梁一悵望。芳  
草劇含愁。隴樹三年淚。邊雲萬里秋。無由  
慰樓泊。羈影任悠悠。

蔡

楠

楠字子木。德清人。嘉靖壬辰進士官至南京兵部侍郎。

晚晴

山晴欲暮天。山色轉蒼然。泉落雲中碓。溪  
迴樹杪船。斜明沙際日。遠遍綠蕪烟。還見  
鳧鷖伴。閒飛秋水前。

黎民表

民表字維敬。從化人。嘉靖甲午舉人。官至布政司參議。

紫荊關

徑轉蛇盤險。雲連鳥去長。山桃微著紫。沙

柳不成黃。重鎮臨天府。神功劃大荒。金城誰獻議。老作

橫翠樓

高樓當絕塞。春望轉氤氳。百戰全燕地。千重大漠雲。控弦無掠騎。飲羽憶將軍。老去親戎馬。悲笳向夕聞。

同鄺別駕蔡山人登九成臺

芙蓉秀色半陰晴。影入空江百丈深。紫閣

倒垂星宿象。碧天吹落鳳鸞音。烽塵正屬談兵日。雲路誰為出世心。風景故園猶想象。丹梯吾肯倦登臨。

沈鍊

鍊字純甫。會稽人。嘉靖戊戌進士。除清豐知縣。入為錦衣

衛經。歷中劾嚴嵩。廷杖調田保。安州尋為奸黨所陷。戮於邊。隆慶初。贈先諡忠愍。

寄馮敬叔

同作他鄉客。嗟予更滯留。關山明月夜。邊

明言另表集 卷七  
塞白雲秋漢闕孤臣夢胡笳萬里愁  
河水近知是憶并州

得應職方書詩以答之

郎署飛符日題書問謫居自因鄉使到  
翻覺舊交疎塞月沙裡邊風鼓角餘誰知  
遷客夢夜夜繞鸞輿應是謫  
戊後作

送朱子南還

十年辛苦在京華夢裡何時不見家  
一照

若耶溪畔月始知楊柳隔天涯

翁大立

大立字儒參餘姚人嘉靖戊戌進士官至南京兵部尚書

吳謳

舊徵未云已府帖重徵新  
昨朝銀花布今日金花銀  
侵晨趨城府薄暮過鄉鄰  
一身應重役奔走無定晨  
父母生我時胡不百我身  
殘軀被蕪楚苦切難具陳  
寧為乞市兒莫作當官人  
銀花布金花銀當日徵稅名目唯吳地行之

王問問字子裕無錫人嘉靖戊戌進士官至廣東成察僉事及卒門人私謚文靖

自山中泛湖歸

登踐窮幽深下山日已晚餘照留青蘋歸雲度蒼巘對此生遠心返棹意自緩川塗風浪平沿流弄清淺

贈吳之山

城柝聲聲夜未央江雲初散水風涼看君

已作無家客猶是逢人說故鄉其聲漢以哀

徐文通文通字汝思永康人嘉靖甲辰進士歷官山東按察副使

岱宗

岱頂凌霄十八盤中原蕭瑟思漫漫振衣日觀三秋曙倚劍天門六月寒風雨黃河通瀚海星辰紫極近長安小臣願獻蓬萊頌閭闔高懸謁帝難

陳臯謨臯謨字思贊江陰人嘉靖甲辰進士歷官南京工部郎中

環縣城遠眺

靈武孤城霽色開。感時還上最高臺。山樓風急熊旗動。關塞天連鳥道回。經略久寒西夏膽。安危深仗北門才。殊方獨抱懷鄉思。日暮愁聞畫角哀。

張居正

居正字叔大。江陵人。嘉靖丁未進士。以庶吉士歷官禮部尚書。入閣。官至太師。謚文忠。

舟泊漢江望黃鶴樓

楓林霜葉淨江烟。錦石游魚清可憐。賈客帆檣雲裡見。仙人樓閣鏡中懸。九秋杰影橫清漢。一笛梅花落遠天。無限滄洲漁父意。夜深高詠獨鳴舷。

楊繼盛

繼盛字仲芳。容城人。嘉靖丁未進士。官兵部員外郎。坐論馬市貶兵部疏。劾嚴嵩。高論死。贈太常少卿。謚忠愍。

送徐子與讞獄江南

寥落白雲司半虛看君此去更何如西曹  
月滿幽人榻南國星隨便者車塞雁不堪  
行斷候秋風况是葉飛初秣陵故舊如相  
問為道踈狂病未除多婉而

楊巍巍字伯謙海豐人嘉靖丁未進士知武進縣入為兵科給

事中累官吏部尚書進少保太保

早秋登龍門城樓

指點雲州地真為漢北門八城臨大漠一

路向中原晴日山川映秋田禾黍繁文莊  
經略處父老至今言

蕭關北作

塞路山難斷胡天雲不開遥驚戍火起數  
見羽書來周室朔方郡唐家靈武臺客心  
正多感羌笛暮堪哀

姚汝循汝循字叔卿上元人嘉靖丙辰進士官至大名知府

郡齋詠懷

已江清且駛。日有東歸舟。漂漂歲復暮。而我何淹留。才不瘳民瘼。位固忝邦侯。負擔過所任。跼蹐增煩憂。南山有薄田。猶堪具膳羞。棄捐久不理。稂莠將盈疇。至道貴兼濟。豈固爲身謀。十羊方九牧。雅志悵悠悠。安能逐時態。坐取素餐尤。

章崐岡別駕邀登城南樓

樓前新漲迴浮天。把酒登樓思渺然。台鳥

於人如有識。青山何處不堪憐。孤舟漁火  
炊寒渚。蕭寺昏鐘起暮烟。簿領稀疎逢勝  
景。誰能獨醒向尊前。

魏時亮

時亮字敬吾。南昌人。嘉靖己未進士。官至南京刑部尚書。

平壤拜箕子墓并訪井田遺跡

禹範留西土。孤臣獨向東。道無浮海嘆。義  
與采薇同。舊井存殷畫。遺黎尚古風。荒邱  
平壤外。麥秀想遺宮。

柳州碑文盡四十字  
向安放妥帖神完氣



日言泉表集

卷一

三

申時行時行字汝默吳縣人嘉靖壬戌賜進士第一累官少師兼

吏部尚書贈太師謚文定

### 題清秋出塞圖

生不識醫無閭。夢不到狼居胥。瞥然示我出塞圖。令我目眩心神徂。憶昔籌邊贊廟謨。桓桓司馬傑。文夫帝受節。鉞臨玄菟高。憑熊軾。佩虎符。榆關九月沙草枯。霜鷹下

擊秋原蕪烟荒雲慘天模糊。惟茲遼左僻海隅。頻年侵擾無寧都。射雕躍馬彎強弧。司馬申令陳司徒。指揮鐵如意。玩美金僕姑。揚旌督戰親。援袍萬卒超距爭先驅。奔狼窠。不皆就俘。凱歌入奏天顏愉。司馬讓功飲若無。但云將士多勤劬。何以勞行役。請蠲幕府租。何以恤飢疲。請發司農儲。人挾纊。齊歡呼。自從司馬歸。江湖遼人茹。

明詩別裁集

卷七

三

苦若董茶荷戈不解甲挽粟仍飛芻羽檄  
徵材官絡繹在道塗震鄰之恐非剝膚騷  
動根本何為平安得再起司馬登戎樞坐  
紆長策銷隱虞國威震疊邊人蘇安邊之  
得人與轉輸二者失而邊  
事壞矣篇內具有識力

大閱詩應制

廟略收群策宸遊簡六師代當全盛日春  
是大蒐時雲捧蒼龍駕風迴翠鳳旗轅門

開復道帳殿繞行塵細柳前軍駐長楊後  
騎隨虬鬚天策將猿臂羽林兒拂劍星文  
動警弓月影披連營分燕翼布陣合魚麗  
禮示三驅正鋒藏九變奇張侯仍是豹賈  
勇盡如羆引滿雙雕落騰空萬馬馳元戎  
歸節制法從肅威儀詎數誇胡獵還欣奏  
凱期大風歌漢士吉日誦周詩我祖犁庭  
烈先皇保泰規永言忘繼述持以贊雍熙

歸本於文皇之犁庭孝宗之保  
癸寓規於頌大臣進言之辭

唐 鉞 鉞字君錫蘭溪人嘉靖癸  
未舉人官任楚府長史

江行

客計方歸越。征橈更背吳。風螢臨水亂。江  
月向人孤。洲已過迷子。山猶及望夫。可憐  
清夜色。強半在長途。

許邦才 邦才字殿卿歷下人嘉靖癸  
卯舉鄉試第一官德府長史

江河守凍

客館寒燈淚滿襟。問關萬里欲歸心。眼前  
一水冰霜苦。又說三江瘴癘深。

皇甫濂 濂字子約長洲人嘉靖  
甲辰進士官與化同知

悼子乘

溟溟雨露集。熙熙歲始更。靈蠢各有化。人  
理獨無生。念我泉下子。一絕如朝榮。生男  
以待終。胡為邁天熒。清塵布虛室。寒晦凝  
軒屏。宿草旅庭薦。哀鳥為悲鳴。悵恍鯉趨

日禮訓猶用情。流目無存影。涕淚交露纓。  
恫憂何能已。嘆息每遺聲。堂闈曠基迹。詩  
書空復盈。奚但賜九迴。心管成頽崩。愧乏  
延陵達。無乃傷吾明。

不赴郡檄答子循兄

矯翮思霄翥。游鱗托淵沉。物類各有造。殊  
塗難並尋。豈伊世網慮。擾擾誰為心。振衣  
還東山。寢迹棲舊林。江海多風濤。舟楫弭

川陰。無令衝波激。但恐歲序侵。願言謝西  
府。谷口有徽音。

明詩別裁集卷七

明詩別裁集卷八月錄

李攀龍 三十五首

章美中 五首

王世貞 四十首

謝榛 二十六首

明詩別裁集卷八

長洲 沈德潛確士 同輯

周 準欽萊

李攀龍攀龍字子麟歷城人嘉靖甲辰進士官至河南按察使○

歷下詩元美諸家推獎過盛而受之  
措擊謹呼叫吹幾至身無完膚皆黨  
同伐私之見也分而觀之古樂府及  
五言古辭臨摹太過痕跡宛然七言  
律及七言絕句高華矜貴脫棄凡庸  
大短取長不存意見歷下之真面目  
出矣○七言律已臻高格未極變態  
七言絕句有神無迹語近情深故應

跨越  
餘子

錄別

顏色無常好。春華一以零。悲風蔽地來。四  
 顧何宜宜。寤言懷往路。攬衣從此與寒氣。  
 拳毛駿涕泗。斷為水。仰視河漢星。離如水。  
 中萍。景光不戀人。遊子豈遑寧。夜依牛羊  
 宿。日驅駑馬行。努力及明時。安能愛其情。

又錄別

秋風西北來。蕭蕭動百草。蕩子無家室。悠  
 悠在長道。紅顏能幾時。棄捐一何早。對客  
 發。主書零涕復盈抱。上言故鄉好。下言故  
 人老。淺淺語道  
得情出

古意

秋風西北起。吹我遊子裳。浮雲從何來。安  
 知非故鄉。蕭蕭胡馬鳴。翩翩下枯桑。暮色  
 入中原。飛蓬轉戰場。往路不可懷。行役自

悲傷

浮雲十字  
珠近古人

和許殿卿春日梁園即事

梁園高會花開起。直至落花猶未已。春花  
著酒酒自美。大夫但飲醉即休。纔到花前  
無白頭。紅顏相勸若為留。春風何處不花  
開。何處花開不看來。看花何處好空回。

一詩末三句纏聯  
而下格調甚新

歲杪放歌

終年著書一字無。中歲學道仍狂夫。勸君  
高枕且自愛。勸君濁醪且自酤。何人不說  
官遊樂。如君素官復不惡。何處不說有炎  
涼。如君杜門復不妨。縱然踈拙非時調。便  
是悠悠亦所長。

黃河

復就三秦役。還為四牡歌。北風揚片席。大  
雪渡黃河。才豈諸郎少。名非一郡多。儒宮



明主意。吾道好蹉跎。

廣陽山道中

出峽還何地。松杉鬱不開。雷聲千嶂落。雨色萬峰來。地勝紆王事。年飢損吏才。難將憂國意。涕泣向蒿萊。

崔駙馬山池燕集得無字

主家池館帝城隅。上客相知漢大夫。十里芙蓉迎劍舄。一樽風雨對江湖。橋邊取石

鯨飛動。臺上吹簫鳳有無。向夕不堪車馬散。朱門空鎖月明孤。

玩未句應主亡之後

初春元美席上贈謝茂秦得關字

鳳城楊柳又堪攀。謝朓西園未擬還。客久高吟生白髮。春來歸夢滿青山。明時抱病風塵下。短褐論交天地間。聞道鹿門妻子在。祇今詞賦且燕關。

論五六語如見戊春意氣之高應求之廣

同元美子相公實分賦懷泰山得

鐘字

域內名山首岱宗。側身東望一相從。河流  
曉挂天門樹。海色秋高日觀峰。金篋何人  
探漢策。白雲千載護秦封。向來信宿藤蘿  
外。杖底西風萬壑鐘。第二語弱。附記趙  
第登岱句云。山壓星  
長從下看海。浮天地自東迴胸中  
不和吞幾雲夢也。惜通篇不利

送皇甫別駕往開州

街杯昨日夏雲過。愁向燕山送玉珂。吳下

詩名諸弟少。天涯宦迹左遷多。人來夜雨  
黎陽樹。客渡秋風瓠子河。有有呂虔刀可  
贈。開州別駕豈蹉跎。齊南論七律云。王維  
李頎頗臻其妙。讀此  
數篇。知得  
力有由

送趙戶部出守淮陽

仙郎起草漢明光。幾載軍儲事朔方。五馬  
新為淮海郡。三臺擔署度支章。行車麥秀  
隨春雨。卧閣花深對夕陽。時憶上林詞賦

客鴻書送下楚雲長。

送暉員外按察郢中

醉擁驕駒不可留。送君花發鳳凰樓。青素  
開府西陵色。到日登臺北雁愁。寒雨遠分  
荆楚望。白雲無盡漢江流。共知人世悲難  
合。倘得隋珠莫暗投。

送陸從事赴遼陽

御柳東風吹客過。共看芳草有離珂。西山

晴雪鴻邊盡。北海春雲馬上多。地險時窺  
玄菟郡。天驕夜道白狼河。知君幕下參高  
畫。諸將何時議止戈。

上朱大司空

河隄使者大司空。兼領中丞節制同。轉餉  
十年軍國壯。朝宗萬里帝圖雄。春流無恙  
桃花水。秋色依然瓠子宮。太史但裁溝洫  
志。丈人何減漢臣風。

懷子相

薊門秋杪送仙槎。此日開尊感歲華。卧病  
山中生桂樹。懷人江上落梅花。春來鴻雁  
書千里。夜色樓臺雪萬家。南身東吳還獨  
往。應憐薄宦滯天涯。

趙州道中憶殿卿

憶爾褰帷出牧年。風塵誰識使君賢。政成  
神雀猶堪下。與盡冥鴻遂杳然。樹色遠浮  
跡雨外。人家忽斷夕。陽前重來此地逢。冥  
食何處看春不可憐。

平涼

春色蕭條白日斜。平涼西北見天涯。惟餘  
青草王孫路。不屬朱門帝子家。宛馬如雲  
開漢苑。秦兵二月走胡沙。欲投萬里封侯  
筆。愧我談經髻有華。

杪秋登秦華山絕頂

縹緲真探白帝宮。三峰此日爲誰雄。蒼龍  
半挂秦川雨。石馬長嘶漢苑風。地敞中原  
秋色盡。天開萬里夕陽空。平生突兀看人  
意。容爾深知道化功。  
滄溟詩有屈响有  
沉着此沉着一路

郡城送友人

西來山色滿城頭。東望漳河入檻流。傲吏  
歲時頻卧閣。故人風雨一登樓。亂離王粲  
逢多病。著作虞卿老更愁。君到長安相問

誠誰憐。五月有披裘。

張駕部宅梅花

仙郎雪後建章迴。清夜西堂擁上才。笛裡  
春愁燕塞滿。梁間月色漢宮來。即看芳樹  
催顏鬢。莫厭寒花對酒杯。共憶故人江北  
望。因君賦罷倚徘徊。

送楊給事河南召募

醜虜休南牧。朝廷議北征。幄中新授律。天

下大徵兵使者持符出。君推抗疏名黃金。  
秋突兀白羽日縱橫。嶽雪三葩秀河水萬。  
馬行將軍邀劇孟。公子得侯羸屠販多豪。  
傑風塵鬱戰爭。有呼皆左袒。無役不先鳴。  
寧以燕山戍。終期瀚海清。過梁投賦筆。更  
為請長纓。

七夕集元美宅送茂秦

祖席陳瓜果。征衣埋薜蘿。雲過看露掌。花

長出星河。仙吏揮金旋。佳人罷錦梭。新知  
天上少。秀句鄴中多。踈拙時名忌。雄豪首  
障過。秋風吹鬢髮。落日渡滹沱。七首荆郢  
贈刀頭。桂客歌明年。見牛女。能不憶羊何。

寒上曲送元美

白羽如霜出塞寒。胡烽不斷接長安。城頭  
一片西山月。多以征人馬上看。  
送元美寄  
元美諸詩

可使樂  
人歌之

送子相歸廣陵

廣陵秋色雨中開。繫馬青楓江上臺。落日  
千帆低不度。驚濤一片雪山來。

寄元美

薊門城上月婆娑。玉笛誰為出塞歌。君自  
客中聽不得。秋風吹落小黃河。  
漁陽烽火暗西山。一片征鴻海上還。多少  
胡笳吹不轉。秋風先入薊門關。

於郡城送明卿之江西

青楓颯颯雨淒淒。秋色遙看入楚迷。誰向  
孤舟慙逐客。白雲相送大江西。

懷明卿

豫章西望彩雲間。九派長江九疊山。高臥  
不須窺石鏡。秋風憔悴侍臣顏。

贈梁伯龍

大華峰頭王女壇。別時明月滿長安。不知

秋色今多少君到仙人掌上看

春日聞明卿之京却寄

十載浮雲傍逐臣歸來不改漢官春  
摩挲金馬宮門外誰識當時諫獵人

乾王中丞

中丞名忬元美公也為分宜嚴氏所害

司馬臺前列柏高風雲猶自夾旌旄  
屬鏤不是君王意莫作胥江萬里濤

為中丞吐氣而忠厚

之意竟太

幕府高臨碣石開  
薊門丹旆重徘徊  
沙場入夜多風雨  
人見親提鐵騎來

和聶儀部明妃曲

天山雪後北風寒  
抱得琵琶馬上彈  
曲罷不知青海月  
徘徊猶作漢官看

不著議論而一切著

議論者皆在其下此詩品也

觀獵

胡鷹掣手鏃北風  
回草盡平原使馬開  
臂上



角弓如却月。當場意氣射生來。

章美中

美中字道華。吳縣人。嘉靖丁未進士官至憲副。

暮相思

征帆日已遠。回波不相待。暝色孤峰來。故鄉何處在。日淡墟裡烟。雲盡天邊海。如何暮相思。坐令鬢容改。

仲春虎邱

孤閣生殘照。平臺下夕陰。踈鐘不知處。人

影在花林。古刹雲光杳。空山劍氣深。依依池上月。猶復照登臨。

初秋感懷

秋風吹海水。夜色一何長。思婦樓頭月。征人馬上霜。高雲稍白隴。坂葉初黃。物候堪銷落。應憐杜若芳。

送人

送子薛蘿別。悠悠鸞鶴群。亂山秋雨歇。孤

驛暮濤分去國見飛鳥。思家生白雲。闔閭城上月清影。為留君。

秋思

涼風起。燕趙萬里浮雲陰。思婦驚秋葉。寒蛩啼暮林。霜催銀箭色。雁度玉關心。蕭瑟江潭客。芙蓉孤渚深。

王世貞

世貞字元美太倉州人嘉靖丁未進士官山東副使以父難解官後補大名兵備歷仕至刑部尚書。舟州天分既高學殖亦富自

珊瑚木難以及牛溲馬新無所不有樂府古詩高出歷下何音故結七言近韻亦規大家而銀鉢未此故華曉之餘時露淺車馭中段加武有不使胡元喘諸人得藉口也

天門開

天門旭呀然。豁窳混沌。金精發。焱若霓燭。潢漢十二樓。裊魚貫。琉璃感。階火齊。塗金圮。光液四射。不可仰視。屏翳走。徇約馳。霓旌。霽若搖。支朱明。曜以東。起織阿。迫以西。垂

白榆歷歷河之湄。天紫滌泗示昭儀。天門  
 開朝紫宮中有使者冠芙蓉。朱衣璧簡縹  
 緗青頰有疑無。觸若冥將土帝命。况群生  
 顛精稽懇臚。所希惠我來思。尤蒸黍臠醴  
 帝功歟。希夷光采灼燦不  
必盡規漢樂

戰城南

戰城南城南壁。黑雲壓我城北。伏兵搗我  
 東遊騎。抄我西使。我不得休息。黃塵合西

日為青天模糊。征鼓發亂。讙呼胡騎歟。威  
 迅驅樹若香。草為枯。啼者何。父收子。妻問  
 夫。戈甲委積。血淹頭顱。家家招魂。人墜墜  
 自哀。譁告工將。土將若不知。生為邊陲士。  
 野蕪復何愁。釜中食。午未炊。惜其倉皇。遂  
 長訣。馬得一飽。為野風。騷屑。魂依之。曷不  
 覩。主將高牙。大纛坐城中。生當封。徹侯。死  
 當廟。食無窮。黃塵合西三語寫出古戰場  
未即死是征人死功是將軍

功意特變  
化無迹

欽鴟行山海經欽鴟圖贊欽鴟及  
跋是殺和兵帝乃孟之千

崑盜  
之東

飛來五色鳥自名爲鳳凰千秋不一見見  
者國祚昌響以鐘鼓坐明堂明堂饒梧竹  
三日不鳴意何長晨不見鳳凰鳳凰乃在  
東門之陰啄腐鼠啾啾唧唧不得哺夕不  
見鳳凰鳳凰乃在西門之陰媚蒼鷹願爾

肉攫分遣醒梧桐長柴寒竹實長若飢衆  
鳥驚相顧不知鳳凰是欽鴟應指分宜言  
鈐山讀書時

天下以姚宋目之故有千秋  
不一見見者國祚昌之語  
將軍行

婁猪化爲龍頭角故不分貪狼長百獸耶  
不食其群有何短老公自稱大將軍從兵  
三十萬華蓋若飄雲尺一丹稜篋細刺蛟  
螭文一署臣某字直入銅龍門忽開青天

笑雷公不得聞。碧眼雙胡兒。慣騎大宛駒。  
與公同卧起。辨髮犯檐偷。朝令謁天子。暮  
令拜單于。單于開篋看。中有尺一書。織成  
紫羅襖。恰恰覆窮盧。犀毗黃金造。密嵌珊  
瑚珠。團龍五色帛。百匹爲一角。單于大歡  
喜。親爲割肉炙。小婦彈琵琶。大婦奉羊酪。  
手取一束箭。墨文何錯落。爲語而將軍物  
微意不薄。箭鋒但相近。各各相引却。歸還

告將軍將軍大歡喜。今年胡却去。好復開  
茅土幕府上功簿。兩胡對金紫。鬼伯何催  
促。將軍向萬里。嚴霜一夜更。華堂遍荆杞。  
翩翩執金吾。緹騎類狻虎。急爲發其私。丞  
相下御史。支磔將軍骸。分臬十二邊。車裂  
兩胡兒。剗肉施烏鳶。紅顏夫人婦。懸豈映  
旌旗。白面羽林郎。含咽向重泉。小女配人  
奴。歌舞侯家筵。田園憶千疆。各自稱新阡。

生為眾人恨。死為眾鬼憐。寄語二心臣。貽

臭空萬年。此詩為仇鸞作。鋪叙豐腴中帶古勁。最近漢人。又有袁江流一

章紀嚴氏父子事。傲焦仲卿。妻詩。綠草。欣有涼。故不錄。

遥望北邙山

遥望北邙山。塚墓鬱相樛。石獸蹲草間。妖  
狐誤來朱。斧斤焉施伐。原宥各趨疇。積浪  
漸成無。焉能觀其由。生時藉世羸。迹往神  
不留。宣若逢為士。一語為千秋。

過維揚有懷于相

淮南萬木落。簾葭鴻雁秋。迴瞻大江水。極  
眺黃河流。念此區中士。天翰阻同游。巖巖  
麗神京。英俊滿賓情。豈乏攜手好。抗志乃  
綢繆。浮沉眾自覩。安測衷所由。奈何各分  
離。微音邈以修。子如宵行燭。分輝均道周。  
子卦汀際。鴛哀鳴。望其儔。

過長平作長平行

世間怪事。那有此四十萬人。同日死白骨。  
高於太行。雪血飛迸。作汾流。紫銳頭。登子  
何足云。汝曹自死乎。原君烏鷄。飽宿鬼車。  
毀至今。此地多愁雲。耕農往往誇遺跡。戰  
鏃千年土花碧。即今方朔澆豈散。纔有巫  
咸招不得。君不見新安一夜秦人愁。二十  
萬鬼聲啾啾。郭開賣趙趙。高出秦壘忽送  
東諸侯。  
說出天道好還使  
窮兵黠武者知戒

贈梁公實謝病歸

汝謀結室羅浮頂。下飲仙人葛洪井。桂樹  
宛宛山日深。松花濛濛白雲冷。我亦欲買  
蜻蜓舟。歸與少年爲薄遊。采蓮一曲杳然  
去。得醉即卧清溪頭。

送盧生還吳

盧生善詩逸者流。百結鷓鴣安足愁。輾然  
一笑別我去。春花。落花。盡胡姬樓。欲留不能

意彌惻。衆中誰憐好顏色。短袞倘過邯鄲道。青草已沒平原宅。吳趙小娃迎問郎。北遊滿地塵茫茫。采菱深處唱一曲。豈若蘆笳能斷腸。

酌孫太初墓

死不必孫與子。生不必父與祖。突作憑陵。千古人依然。寂寞一杯土。道場山陰五十秋。那能華表鶴來遊。君看太華蓮花掌。應

有笙歌在上頭。

離奇突兀。弔太白山人自應爾爾。

陵祀

松楸何不極。復道見行宮。劍珮千官月。橋陵萬馬風。地迴山盡拱。雲合樹俱雄。白首先朝事。傷心涕淚中。

自夾山題顏神分古

千秋此夾谷。駐馬意徘徊。蒼嶺爭何向。青天線劃開。人疑懸索度。水憶建瓴來。回音



兵車地。虛生命世才。

陪段侍御登靈巖絕頂

徑。折。全。疑。盡。崕。迴。陡。自。開。蒼。然。萬。山。色。忽  
擁。伏。宗。來。碧。澗。傳。僧。梵。青。天。落。酒。杯。雄。風  
別。有。賦。不。羨。楚。蘭。臺。蒼然二語可匹  
空同泰山詩

登太白樓

昔聞李供奉。長嘯獨登樓。此地一垂顧。高  
名百代留。白雲海色曙。明月天門秋。欲覓

重來者。潺湲濟水流。

天空海澗有此眼界  
筆力纔許作登太白

樓詩

送顧舍人使金陵還松江

汝。豈。因。鱸。膾。吾。曾。識。鳳。毛。青。雲。歸。暫。得。白  
雪。和。誰。高。海。色。鍾。山。兩。秋。聲。笠。澤。濟。南。征。  
有。諸。將。為。語。聖。躬。勞。

送張虞部伯啓左遷常州別駕

把袂翻輕別。沾膺有感時。主恩遷地近。吾

道小臣宜月迴延陵劍。潮乎太伯祠。古人  
崇退讓。今子莫。其。厚。忠。

亂後初入吳舍弟小酌

與爾同茲難。重逢恐未真。一身初屬我。薦  
事欲輸人。天意寧群盜。時艱更老親。不堪  
追往昔。醉語亦傷神。一身初屬我與書到  
汝為人各極沉痛

五六正是追往昔也  
氣維味厚不愧杜陵

庚戌秋有約吳峻伯不就賦此

漢樹淹胡月。天都拂塞塵。九關虛虎豹。層  
閣望麒麟。社稷群公手。兵戈一介身。請纓  
還請劍。慷慨涕沾巾。

義士李國卿歸骨長山。嬰以送之。  
生死銜恩在。間關病骨遙。刀頭空自卜。匕  
首為誰騎。風色田橫館。寒雲豫讓橋。豈無  
心一寸。魂斷竟難招。

書庚戌秋事

傳聞胡馬塞回中。候大甘泉極望同。風雨  
雕戈秋入塞。雲霄玉几晝還宮。書生自挹  
終軍憤。國士誰譏魏絳功。北望蒼然天一  
色。漢家高碣倚寒空。  
三句言宜大兵入授  
四句言士自西死還  
大內也

登岱

尚憶秦松帝蹕留。至今風雨未全收。天門  
倒瀉銀河水。日觀翻懸碧海流。欲轉千盤

迷積氣誰從九點辨。齊州人問處處襄城。  
輦矯首蒼茫迴自愁。

壁立芙蓉萬古看。削成松檜隱高盤。中峰  
翠壓徂徠色。絕頂青收碣石寒。梁甫吟成  
還自和。茂陵書就欲誰干。依微白馬吳閭  
右。欲向秋風問羽翰。

軒轅皇帝有高臺。鞭石千秋輦道開。匹練  
天縈吳觀出。金泥日射漢封回。西盤瓠子

河如帶東挂扶桑海一杯誰爲登壇論王  
氣祇應塵世有仙才

盤山

千盤歷盡更茫然回首中原暝色邊  
峽轉。礫宮藏漢月峰排紫劍插胡天  
雲根檜圻龍鱗起磴道泉歸玉乳懸  
深夜不須驚鼓吹看予箕坐嘯風前

行部高陽遇河決不沒三板

投馬虛疑捷石城射蛟或恐海神驚  
陸沉玄圃千峰細天倒黃河萬堞平  
漸老中原無沸鬱欲歸南極虎縱橫  
濁醪誰是高陽侶遙遣夜愁白髮生

同省中諸君過徐丈

詞客其同河朔遊主人偏解孟公留  
高城過雨涼生席殘葉花明月滿樓  
紫玉行杯弹出塞紅牙催拍按梁州  
更憐少日閭閻

伴菱葉芙蓉湖上舟

立春前一日過尹汝漁副使飲

東走齊河外。雪開鬱蔥佳氣近。樓臺相逢  
臘向尊中盡。敢道春從使者來。落日千門  
飛鴈去。黃雲一騎按雕迴。知君且住素絲  
里。陸陸搏歌未易才。

寄家弟振美

江頭風色峭帆新。江雁銜蘆來往頻。握手

已非生別地。題詩還是暫時人。天橫北海

書難信。日落吳門練未真。俗敞汝曹無可

却。時違豺虎即須親。應是家難後詩

寄耿中丞子永

黃龍東去海雲低。玄菟城頭烏夜啼。帳下  
青羌新屬國。軍中白馬舊安西。牙旗月擁  
諸陵出。甲帳天迴萬堞齊。最是酡酥爭捧  
處。不妨飛捷醉中題。

送徐子與祀康陵

佳城蔥鬱鎖楸梧。武帝神游定有無。金榜  
 星辰千嶺逼。翠旗風雨萬靈趨。俱傳駿足  
 留瑤海。亦有龍髯墮鼎湖。此日詞臣空灑  
 淚。獻陵春望已模糊。  
題祀康陵結到望獻陵見遺澤在人不忍

也志

戚大將軍入帥禁旅在駕草堂賦

此贈別

初開小隊駐吳邑。心漫花溪隱畫艤。細柳  
 尚虛金鎖甲。前茅時緩碧油幢。南中舊部  
 思馳義塞上。新城喜受降。倘寫雲臺須第  
 一。如論國士總無雙。

憶昔

憶昔南巡漢武皇。樓船車馬日相望。輕裘  
 郭杜張公子。袂瑟卽卽呂氏倡。秋盡旌旗  
 營細柳。夜深烽火獵長楊。孤臣亦有遺弓

淚不見當時折檻郎  
張公子指錢寧一流呂氏倡謂劉瓌

故關

四○寒○河○山○險○中○通○一○線○行○雄○關○蔽○全○趙○疊  
嶂○拱○神○京○尺○地○分○寒○暑○中○天○各○晦○明○秋○英  
關○繡○壁○夕○照○吐○金○城○屋○似○浮○空○置○田○疑○傍  
漠○耕○雲○根○穿○作○竇○石○體○借○為○粳○樹○雜○旌○旂  
擁○峰○陪○劍○戟○迎○符○徙○襄○子○計○陣○疑○率○然○名  
廣○武○堪○稱○客○成○安○未○曉○兵○古○來○興○廢○事○大

半詔儒生

送妻弟魏生還里

阿○姊○扶○牀○泣○諸○甥○繞○膝○啼○平○安○只○兩○字○莫  
惜○過○江○題

從軍行

蹋○臂○歸○來○六○博○場○城○中○白○羽○募○征○羌○相○逢  
試○解○吳○鉤○看○已○是○金○河○萬○里○霜

西宮怨

點點蓮花漏未央。乍寒如水浸羅裳。誰憐金井梧桐露。一夜鴛鴦瓦上霜。

飲歐陽鎮翔即事有贈

旌旗春偃白龍堆。教客休停鸚鵡杯。歌舞未殘飛騎出。月中生縛左賢來。

廣陵訪周公瑕不遇

豪華自古讓維揚。一水橫江即異鄉。二十四橋歌吹遍。不知何處覓周郎。

戚將軍贈寶劍歌

母嬖身價抵千金。一寸純鈎一寸心。欲識命輕恩重處。灞陵風雨夜來深。

曾而滄流刺怒鯨。酒闌分手贈書生。芙蓉混盡魚鱗老。總為人間事漸平。

謝榛 榛字茂秦。臨清人。自稱曰真山人。四真五言。近世詩句。其

字鍊氣。逸調高。七子中。故推蜀步古。帶局守規。格有宗法。而無生氣。帶取也。



榆河曉發

朝暉開衆山。遙見居庸關。雲出三邊外。風生萬馬間。征塵何日靜。古戍幾人閑。忽憶

棄繻者。空慙旅鬢

斑請風生萬馬間紙上有聲若行成二語氣

味便薄

大梁冬夜

坐嘯南樓夜。孤燈客思長。人吹五更笛。月照萬家霜。歸計身多病。生涯鬢易蒼。征鴻

向何許。春意遍湖湘。

居庸關

控海幽燕地。彎弓豪決鬼。秋山牧馬處。朔塞用兵時。嶺斷雲飛迴。關長鳥度遲。常朝有魏尚。復此駐旌旗。

送謝給事封蜀

使星巴蜀外。漢節夜郎西。樹斷分金馬。江清見石犀。王孫重茅土。天子錫桐圭。異世

懷張載。應留剡閣題。

渡黃河

路出大梁城。關河開曉晴。日翻龍窟動。風掃雁沙平。倚劍嗟身事。張帆快旅情。茫茫不知處。空外櫂歌聲。

副字掃字得  
火陵詩眼法

初冬夜同李伯承過碧雲寺

並馬尋名寺。登高藉短筇。飛泉鳴古澗。落月在寒松。石路經千轉。雲巖復幾重。人間

多夢寐。誰聽上方鐘。

李行人元樹宅同謝張二內翰話

洞庭湖

南望岳陽郡。蒼茫吳楚分。帆迴孤鳥樹。樓出九江雲。落日波中沒。秋風天外聞。何時采蘋藻。湖上弔湘君。

暮秋簡徐別駕載鄧

南征秋轉劇。不寐夜漫漫。白髮艱虞出。滄

洲去佳難。旌旗連野暗。兵甲照江寒。選將  
須史事。誰能議築壇。

元夕道院同公實字與于麟元美

子相五君得亥字

長空月正滿。遊騎隘京華。夜火分千樹。春  
星落萬家。乘閑來紫府。垂老問丹砂。笙鶴  
歸何處。依稀見彩霞。春星五字亦警亦  
秀自能高壓滿坐

七夕敬二君餞別得秋字

北斗挂城頭。明河迥不流。人間清露夜。天  
上白榆秋。聚散多岐路。悲歡自女牛。誰知  
老來拙。回首故鄉樓。與朝暉開象  
山一種起手

送樊侍御文叙之金陵

地入維揚路。天分牛斗墟。秋帆二水外。春  
草六朝餘。冰雪生官舍。風塵走諫書。從來  
經國者。寧不念鱖魚。

送欽水部子辰之沛中

清標憐水部。南去意何窮。樹色分淮甸。河  
流見禹功。亂帆表草外。古堞暮雲中。感慨  
登臺處。蕭蕭起大風。

有感

薄伐元中策。論兵自古難。漢唐頌拓也。將  
帥幾登壇。絕漠兼天盡。交河蕩日寒。不知  
大宛馬。曾復到長安。

野興

白。白。霜。凝。地。飛。飛。鳥。渡。河。孤。峰。依。薄。暎。老。  
樹。得。秋。多。月。曉。山。精。伏。時。清。野。父。歌。短。筇。  
隨。我。意。一。徑。入。烟。蘿。

秋日懷弟

生涯憐汝自樵蘇。時序驚心尚道途。別後  
幾年兒女大。望中千里弟兄孤。秋天落木  
愁多少。夜雨殘燈夢有無。遙想故園揮涕  
淚。况聞寒鴈下江湖。

夜話李孺長書屋因懷其尊君左

納言

忘年爾我重交情。論事相同見老成。月到  
廣除寒。有色鴉歸疎柳夜。無聲三農最苦。  
江南稅百戰。方休海上兵。歲暮銀臺應感  
歎。幾人封事為蒼生。  
時江南增稅海寇方  
息山人感事及之非

泛作憂  
時語

中秋宴集

滿空華月好。登樓坐倚高。寒攬翠。爽江漢  
光。翻千里。雪桂花香動。萬山秋。黃龍塞上  
征夫淚。丹鳳城中少婦愁。詞客共耽今夜  
酒。漫彈瑤瑟唱伊州。

送謝武選少安檣師固原因還蜀

會兄薨

天書早下促星軺。二月關河凍欲銷。白首  
應憐班定遠。黃金先賜霍嫖姚。秦雲曉渡

三。川。水。蜀。道。春。通。萬。里。橋。一。對。即。簡。腸。欲。  
斷。鵲。鴛。原。土。草。蕭。蕭。將題意逐層安放一  
氣轉摺有神無迹與  
高青印送沈左司詩三  
百年中不易多見者也

送王侍御按河南

塞土初歸復此行。燕南極目送飛旌。天連  
嵩嶽寒雲盡。馬渡黃河春草生。簪筆常思  
未央殿。封章時發大梁城。知君最愛應劉  
賦。更向西園一寄聲。

七夕留別汪伯陽李于鱗王元真

得知字

久客言歸意。留連幾故知。鵲橋星度夜。燕  
館月沉時。天上纔歡合。人間轉別離。晴分  
絳河影。秋動白榆枝。桂醕還成醉。萍蹤不  
可期。年年湖海上。今夕定相思。

行路難

荀卿將入楚。范叔未歸秦。花鳥非鄉國。悠

悠行路人。乎淡語而行  
路之難自見

秋閨曲

目極江天遠。秋霜下白蘋。可憐南去雁。不為倚樓人。

塞下曲

旌旗蕩野塞雲開。金鼓連天朔雁回。落日半山追點虜。彎弓直過李陵臺。

漠北詞

石頭敲火炙黃羊。胡女低歌勸酪漿。醉後群胡不知夜。鷓兒嶺下月如霜。

擣衣曲

秦關昨夜一書歸。百戰猶隨劉武威。見說手安收涕淚。梧桐樹下擣寒衣。可憐無定河邊骨猶是春閨夢裡人。幾於哀一頑艷矣。此詩可以嗣音。

遠別曲

郎君幾載客三秦。好憶儂家漢下濱。門外

兩株烏柏樹。叮晦說向寄書人。寫情極真

葉燭一篇可  
云新聲古意

明詩別裁集卷八

48-13650



